

28370/p
ORDINIS

53250

MEDICI IN ACADEMIA LUDOVICIANA

H. A. DECANUS

D. ERNESTUS LUDOVICUS
WILHELMUS NEBEL

CLARISSIMORUM ATQUE DOCTISSIMORUM

QUORUNDAM MEDICINAE CANDIDATORUM

SOLEMNIA INAUGURALIA

I N D I C I T

ATQUE

HISTORIAM ARTIS VETERINARIAE A RERUM
INITIO USQUE AD AEVUM CAROLI V
PRAEMITTIT

G I E S S A E

TYPIS SCHROEDERI ACADEMICIS

1806.



A primis rerum humanarum initiis, veterum scriptorum relationes facile superantibus, bruta mansuefacta et in consortium atque familiaritatem hominis recepta esse, non erit qui negabit. Testantur antiquissima codicum monumenta, cum pecora primum hominum peculium constituere, testatur res ipsa, cum animalia quaedam hominem facile sequuntur et obediunt servitiaque sua exhibent. Pellis vestitui, lana suppellectili, lac victui, caro alimento, ossa, pinguedo, oruor, intestina variis usibus inservierunt. Greges iam fuere usibus hominum famulantes, priusquam Chiron ille audax equo vehi periculum fecit. Cum igitur in armentis gregibusque divitiae principum reliquorumque hominum positaessent, vulnera sanare pestes morbosque averruncare et medicinam invenire studium fuerit necesse est. Facti inde cteniatrī, enata veterinaria ars seu mulomedicina, cui eadem cum hominum medicina incunabula tribuere liquet. Nec dignitate eidem cessit, cum antiquissimi heroes morborum et hominum et pecorum medicina celebrentur. Averruncantur enim hoc studio calamitates hominum, quod suprema ratio disciplinarum humanarum esto. Id vero facile largior, hominum medicinam mox magis cultam ac diligentia maiori tractatam esse: unde Herophilos, Erasistratos, Galenos suos iam habuit medicina, cum studium mulomedicinae ultra prisca Catonis placita vix saperet. Quod etiamnum eodem fere iure potest contendī, cum in vulgus medici veterinarii nomen cum carnificis, fabri vel opilionis fere consonum sit, et medici delicatiores infra dignitatem putent, stabula visitare: de quo suo iam tem-

pore conquestus est *H. C. Agrippa*, de vanit. scient. c. 87. In quibus tamen multos eosque celebratissimos viros a vulgi sententia abhorrere, in brutorum quoque studio operam collocare et hortationibus institutisque a regibus et principibus conditis morem gerere, plura quae sequuntur exempla probabunt. Consilium vero cepi, primordia, incrementa et facta illustriora in arte veterinaria narratione hac brevi memoriae prodere. In quibus si relator paulo rudior ab arbitris harum rerum peritis inveniar, venia petenda est, quod antecessorem in hoc seriptionis genere scio neminem. a) Historiam vero literariam plures sedulo illustravere b), et in anatome comparata otium mihi fecere viri doctissimi c).

a) Si excipias *Zanon* saggio di storia della Medicina veterinaria, Venet. 1770. 8., de quo refert *Henze* Nachr. p. 58. Quae *Bourgelat* elem. d'hippiatrique t. II. p. I, inde in encyclopaedia Gallica, atque *la Fosse* dictionn. rais. d'hippiatr. voce *hippiatrique* protulere; breviamanque sunt.

b) *Alf. de Torrez* recapitulacion de los mas famosos autores griegos y latinos que trataron de los cavallos, comese y de las mulas, y sus enfermedades. Tolet. 1564. fol. *Ioach. Camerarius* fil. catal. rei rust. scriptorum veterum et recent. in ei. opusc. de re rust. Norib. 1577. 4. *Vitet* medic. veterinariae t. III, analyse des auteurs. *Amoureux* bibl. des auteurs veterinaires, 1773. 8. *Prizelius* vollständ. Pferde-wiss. t. I. init. *Henze* Entw. eines Verzeichnisses veterin. Bücher. Gött. u. Stendal, 1781. Ei. Nachrichten v. veterin. Werken. Stend. 1785. 8. (*Rodriguez*) catal. de algunos Autores espanoles que han escrito de *veterinaria*, de equitacion y de agricultura. Madrid, 1790. 8.

Bibliographi quoque hist. nat. huc sunt referendi. *Scheuchzer* bibl. scriptor. h. n. Tig. 1716. 4. 1751. 8. v. *Rohr* physik. Bibl. ed. A. G. *Kästner*. Lipf. 1754. 8. *Brückmann* bibl. animalis. Wolfenbutt. 1743. Ei. supplementum, 1747. 8. L. T. *Gronov* bibl. regni anim. et lapidei.

- dei. L. B. 1760. 4. I. Fr. Müller Einleit. in d. ökon. u. physik. Bücherkunde, t. I. Lips. 1780. 8. Deliciae Cobresianae, Büchersammlung zur Naturgesch. H. t. Augsb. 1782. 8. G. R. Böhmer bibl. scriptor. h. n. V partes. Lips. 1784—90. 8. Dryandri catal. bibl. h. n. Ios. Banks, V tomi. Lond. 1796—1800. 8. Neque silentio praeter-eundus cl. K. G. Rössig Gesch. d. Oekon. Poliz. u. Kameralwiss. Lips. 1781, 82. 2 t. 8. cl. Reuss repertor. comm. a focc. lit. ed. t. I.
- c) Cel. Ludwig pr. Hist. anat. et physiol. comparant. brevis expositio. Lips. 1787. 4. In ei. exercitt. acad. p. 98—126. Iosephi Anat. der Säugethiere. Gött. 1787. 8. p. 16—94. Auctorum recensum passim dedit Haller bibl. anat. chir. et pract., quem fere in summam redegit Vigiliis bibl. chir. p. 1628—1668. Praeclaram quoque notitiam literariam substravit cel. Blumenbach l. Handbuch der vergleich. Anat. Goett. 1805. 8.

PERIODUS I.

Artis incunabula. Graeci.

Animalia quaedam in protoplastorum consortium venisse et domestica facta esse vix dubium relinquitur. Legitur in sacro codice de ovium pastore Abel, Adami filio. Primigeniam pecuariam oves dicit Varro de r. r. II. 2. Sed praeter gregum curam custodiamque plura alia ad viam mulomedicinae sternendam fecisse manifestum est. Huc referamus sacrificia numini facta, quae extispicia seu viscerum inspectiones mox sunt sequuta: in quarum primordiis et antiquitatibus multus est Hartmann (de origin. anat. in Kurella fasc. diff.). Accessit mox morbidorum pecorum examen, quorum esu interdicebantur, ut de Aegyptiis Herodotus (II c. 46), de Hebraeis Leviti-

rus XI docet. Non parumtribuendum est agriculturae et aratro, cui iumenta edomabant: tritura vero frumenti serioris aevi esse videtur. Inventum illud *Osiridi* tribuunt Aegyptii (*Tibull.* I el. 7, 29), ad *Pròmetheum* refertur apud *Aeschylum* (*Prom. vinc.* 461). Unde bos sacer habitus est Aegyptiis, quibus ovem, canem, felem atque ichneumonem addit *Plato* (de Is. et Osir.). Bovis vero et aratri inventum *Buzygi* Atheniensi, secundum alios *Triptolemo* Aegyptio, tribuit *Plin.* h. n. VII 56. Antiquitates iumentorum optime illustravit *Aldrovandus* (quadrupedum bifulcor. hist. I). Sequuta venatio, ad quam canes adhibebant (*Mercurialis* de arte gymn. III 15, *Beckmann* de hist. nat. vet. p. 25), et equos, ut ex *Xenophonte* patet. Plurimum pestilentiis debetur, quas quidem iracundiae deorum tribuere (*Homer.* Il. A 50. *Exod.* IX 3 et 9, XII 29). Optimus de his collector *Paulet* (rech. sur les maladies epizoot. I init.). Potest etiam paradoxo illi, a brutis aegris, instinctum seu molimen naturae salutare sequentibus, medicinam edoctos esse homines, aliqua ratio haberi. *Aristoteles* h. a. IX 6, *Cic.* de nat. deor. II 50 plura huc spectantia proferunt, et locos diligentissime collegit *Triller* (pr. de scarif. ocul. hist. et antiquit. Opusc. I p. 493).

In fabula de centauris equorum primum usum latere perspicuum est. *Ixiona* Thessalum, Centaurorum parentem, equorum custodem narrat *Servius* ad *Virg.* Aen. VIII 293, et Centauros ex equis pugnassee primos omnium *Plinius* h. n. VII 56. affirmat. Idem *Bellerophonti* equitationis inventum, frenorum et stratorum *Pelethronio* tribuit, in quo consentit *Hyginus* fab. 274. *Erichtonium* cursus invenisse *Virgil.* georg. III 113 auctor est, cui magnas equarias tribuit *Hom.* Il. Y 219. Apud Thessalos artem equestrem primum cultam esse et incrementa cepisse *Plato* auctor est, *Hippia* mai. p.

546 Opp. ed. Bas. 1554. Conferri potissimum meretur *Gabr. Fabricy* rech. sur l'époque de l'équitation et de l'usage des chars équestres, à Marseille, 1764, 2 t. 8. Nec non *Rich. Berenger* History and Art of Horsemanship t. I. Lond. 1771. 4, Sed videamus de heroibus medicis atque philosophis, quorum inventa factaque illustriora sunt memoranda.

Princeps, qui pecorum medicinam agitasse dicitur, existimandus est *Melampus* Argivus, pecoris cultu et medicina celebris dictus a *Virgilio* georg. III 550 et *Columella* I praef. Capras, ut videtur, vertigine adfectas eliebori pastu purgari et restitui animadvertit, et medicamentum, quo maniae hominum medebatur, inde sumit (*Schulze* hist. med. p. 87). *Chiron* Centaurus in Thessalia, ferorum equorum feraci, artem equestrem instituit, et mox equis ad certamina, bella et onera asportanda usi sunt. Medicinae hominum et brutorum cognitione, vulnerum cura, pariter ac discipulis heroibus celebratur. Canum, venationis aliarumque artium studio clarus dicitur apud *Xenophontem* de venatione init. Quid, quod hippiatricum scriptum ipsi tribuant seniores *Vegetius* I praef. I 17, et IV 8, *Eudocia* in violario p. 457. *Aristaeus*, Chironis discipulus, apum culturae et lactis coagulationis inventor gregumque pastor dicitur apud *Pindarum* Pyth. IX 104, *Virgilium* georg. IV 280 et 517, *Columellam* IX 2 atque *Apollon. Rhod.* arg. II 518. In filii eius *Actaeonis* historia prima rabiei caninae vestigia inveniri censet cl. *Sprengel* Beitr. z. Gesch. d. Med. III p. 54.

Philosophi, qui historiam naturalem coluere, nominandi sunt *Pythagoras*, *Alcmaeon*, *Empedocles*, *Anaxagoras*. *Pythagoram* ad pecora animadvertisse vel ex *Censorino* c. 5 liquet. *Alcmaeon*

Alcmaeon et *Empedocles* in anatome comparata et physiologia animantium, praesertim opere generationis et sensuum organis, operam collocavere. Ille capras per aures spirare contendit (*Aristot. hist. anim.* I 11), unde tubarum, quae *Eustachii* nomen ferunt, cognitionem ipsi tribuere historiae medicae scriptores, cf. cl. *Kühne* diff. de philos. ante Hipp. med. cult. p. 27. Sterilitatis in mulis observatae causam anquisivit (*Plutarch. de phys. phil. decr.* V 14). *Chalcidius*, comm. in Plat. Tim. p. 340 ed. Meurs. primum animalium incisorem ipsum perhibet et librum, quem de natura primus omnium conscripsit, laudant *Diog. Laert.* VIII extr. *Clem. Alex. Strom.* I p. 508 ed. Sylb. *Empedocles*, qua via *Alcmaeon* coeperat, strenuus perrexit et respirationis mechanismum exposuit. De *Anaxagora* anatome hominis narratur (cl. *Sprengel* Gesch. d. A. K. I p. 190 ed. 1792); carpitur ab *Aristotele* de gen. an. III 6.

Anatomen animalium omnium solertissime coluisse fertur *Democritus* Abderita (*Cartheuser* pr. de med. Democr. Abd. Giessae, 1775. 4), Hippocratis in hoc studiorum genere, si *Celso*, *Suidae* ac *Sorano* fides habenda, vel si idem censendus est *Democritus*, praeceptor. Vixisse animalium cadaveribus circumdatum et viscera eorum inspexisse ex auctore quidem spurio constat, *Hippocr. epist. ad Damagetum* opp. p. 914 ed. Lind. II. Sed ipsum in animalium natura scrutanda diligentem fuisse *Aristoteles* de gen. an. IV 1, *Plinius* h. n. II 8, *Aelianus* hist. anim. XII 16 testantur. Libri eius αἰτιαὶ περὶ ζῶων et περὶ γεωργίας laudantur a *Diog. Laert.* p. 249. ed. Menag., *Columella* VI 28, XI 3, et in geopon. XIX 7, in quo libro XVII 4 et 9, XVIII 6, XIX 4 quaedam veterinaria, quae eius nomen ferunt, inveniuntur. Procul dubio ex libro quodam suppositicio desumpta, *Gellius* enim, noct. Att. X 12, multa commenta in *Democriti*

criti nomen esse data questus est. Anatonen animalium coluere et ab *Aristotele* (h. a. III 2 et 3) laudantur *Diogenes Apolloniates*, *Syennensis* Cyprius, atque *Polybus*, quem quidem *ανδρας φυσικον και αυταν ελλογιμεν* nuncupat *Diogenes Laert.* *Ctesias* Cnidius quoque ab *Aristotele* laudatur (gen. an. II 2) et in Indicis plura ad historiam naturalem spectantia, ut de asinis silvestribus, de pecoribus domesticis, retulit.

Hippocrates Cous, verae medicinae parens, pecorum quoque contemplationem et medicinam non neglexit. De boum articulis, luxatione et claudicatione disputat (de artic. p. 765, Mochlic. p. 855, ed. Lind. II). Boum, canum et suum aquam intercutem, ex pulmonum tuberculis enatam narrat (de int. aff. p. 226). Caprarum et ovium epilepsiam, vel potius vertiginem, in qua cerebrum liquidum foetensque invenitur, describit (de morbo sacro p. 558). De febribus pecorum agit (de flat. p. 404 Lind. I). Quae sub eiusdem nomine veniunt hippiatrica, multo serioris sunt aevi et ad Apfyrti aetatem pertinent (Hippiatr. Gr. p. 70).

Primus, qui de equis scripsit, est *Simon* Atheniensis, a *Xenophonte* laudatus, ex quo *Iul. Pollux* I 11, p. 51 — 55 ed. Seb. plura refert. *Suidas* v. *Κιμων* eius *ιπποσκευιον βιβλιον θαυμασιον* commemorat. *Tzetzes* quoque chil. IV v. 483 *Cimonis* hippotrophion laudat et *Megaclem* Atheniensem, parem auctorem, ei iungit et priori loco ponit. Rectius vero apud eundem *Suidam* v. *σοξιλλη* et apud *Clem. Alex.* strom. VII p. 761 auctor *Simon* vocatur. *Xenophon* *περι ιππικης* init. laudat equum aeneum a *Simone*, vel in honorem eius, Athenis in Eleusinio positum, cuius et *Plinius* h. n. XXXIV 19 atque *Hierocles* hippiatr. Gr. p. 3 mentionem fecerunt.

A quo

A quo differt vaccae statua aenea *Myronis*, quam *Aelian.* hist. anim. c. extr. meminit. A *Simone* reprehendi *Miconem* quendam in equi delineatione *Iul. Pollux* II 4 p. 85 auctor est. Non possum hic silentio praeterire, egregiam equi generosi descriptionem inveniri in libro antiquissimo, qui Iobi nomen fert, XXXIX 19. Memoranda simul illa baculorum variegatorum in aquam iniectio (*Genes.* XXX 37), qua agni variegati geniti sunt, scilicet vi imaginationis maternae: de quibus cf. *Bochartus* hieroz.

Xenophon Socraticus, Graecorum in bello Persico dux et historicus et philosophus, reliquit libros de re equestri et de magistri equitum officio. Pedes, caput, cervicem reliquasque boni equi notas recenset et de venditorum imposturis agit: de educandis pullis et erudiendis ad varios usus, de frenandi ratione et naturarum in equis diversarum tractatione tradit. In cynegetico seu de venatione libello de canum genere, institutione, vitiis atque virtutibus disputat. Cui *Xenophontis* minoris seu *Arriani* cynegeticon, illius quasi fici-
limentum, adiungo.

Opuscula equestria et venatica collegit et illustravit *Zeune*,¹ Lips. 1778. 8. Equestria interpretatus est *Camerarius* hippocomico, Lips. 1556. 8. Italice cum comment. prodierunt *Il modo del cavalcare de Xenofonte*, Venet. 1580. 8. Anglice dedit cum comment. *Berenger* in *Hist. of Horsemanship* l. c. Germanice c. notulis editus l. de re equestri, Franc. et Lips. 1743. 4.

Sequitur *Aristoteles* Stagyrita, historiae naturalis parens et posterorum antesignanus, qui vitam in incidendis animalibus naturisque eorum perscrutandis consumpsit, adiutus Philippi atque Alexandri M. regali munificentia. Hic quantum praestiterit, *Haller* bibl. anat. I p. 31—51 recensuit, veterinaria passim exhibuit *Brugnoné*
v. d.

(v. d. Zucht d. Pferde u. Esel). Pauca adducāmus. Ruminantium ventriculos descripsit hist. anim. II 17; et ventriculorum dentiumque comparationem in variis animalibus scite instituit de part. anim. II 14. Uterum animalium bicornem esse contendit h. a. III 1, de gener. anim. I 3. Castrandi mares duos modos docuit, femellas quoque et camelos et gallinaceos, h. a. III 1, IX 50. Suum morbos βραγχον, anginam, in qua κραυρᾶν λέγεται, grandinem f. χαλαζώδεις ὕες, atque diarrhoeam exponit h. a. VIII 21. Boum morbos gregales recenset ibid. 25 κραυρον f. pneumoniam atque podagram f. claudicationem epizooticam. Equorum morbos narrat ib. 24 αλγησιν της καρδιας, morbum cardiacum, rectius asthma, ειλεον, colicam, τετανον, κριθισιν, hordeationem, rectius rediviam (*Rehe*), nec non ιαν λυπητην, veterum seu maniam placidam, ungularum decidium: de hippomane nugari monet, carbunculi sub morfu muris aranei, phalangii latent. Μηλιδα, malleum morbum (*Rotz*) asinorum affectionem exhibet ib. 25. Atque 26 sq. elephantorum nec non apum morbos illustrat: multus quoque de apibus h. a. IX 11. De mulo et hinno horumque sterilitate agit h. a. VI 24, de gen. an. II 8, ubi quoque asinam statim a salitu vapulare suafor est. Animalia non superfoetare affirmat h. a. VII 4. Oestrum et myopa tergora animalium valide perforare narrat h. a. IV 4, in quibus memorandis antecessorem habuit *Aeschylum* Prom. vinct. v. 544. 650. Quae animalia felle i. e. vesicula fellea careant, hist. an. II 15 et de part. an. IV 2 habet. In l. de miraculis auditis multa de animalibus miranda naturae profert et in l. physignomonicorum de ingenio, indole et vitiis animalium agnoscendis verba facit. In problematibus multae de pecudibus quaestiones eorumque solutiones, praef. sect. X de pilis eorumque defluvio, leguntur. *Theophrastus Eresius* vestigia praeceptoris stre-

nue preffit: fcripfit, auctore *Diogene Laertio*, de diverfitate vocis animalium eiusdem generis, de animalibus quae fapere dicuntur, libellos, de animalibus l. VII, dudum deperdita. In fragm. de animalibus quae colorem mutant, tarandum defcribit Scytharum (p. 460 ed. Heinf.), quem cum alce confudit. In fragm. de animalibus quae videntur invidere quaedam curiofa de pecudibus narrat. *Antigoni Caryftii* de animalibus liber citatur ab *Hefychio* v. αλησι.

Iungamus his animalium diffectores magnae famae. *Dioclem Caryftium* laudant *Galenus* de admin. anat. II 1, *Plutarchus* de phyf. phil. decr. V 9 et 14, *Hierocles* Hippiatr. Gr. p. 235, ubi de equis verno gramine recreandis dicitur. *Herophilus*, Ptolemaei Philadelphi adiutus munificentia et literarum fervore, nullas non corporis humani brutorumque partes egregie illustravit, ipsis vivifectionibus fufceptis, et anatomes profefforem eximium fe prae-buit (*Gal.* de adm. anet. VI 8 et 11). Quem coevus *Erafiftratus* acmulatus in hoedis vafa mefenterii lactea vidit (*Gal.* l. c. VII 16). *Praxagoras*, Herophili praeceptor, cotyledones animalium primus recte cognovit (*Gal.* de diffect. matr. c. 10.)

Adiiciendus eft huic aevo *Thucydides* peftem gravem ex Aethiopia illatam defcribens II 9, quae hominibus, pariter ac canibus alitibusque, exitiofa fuit. Peftis illa Aeginenfis imperante Minoe omnibus animalibus funefta antiquiffima memoranda effet ex *Ovidio* met. VII 556, fi fides hiftorica conflaret. Accenfendi quoque huic aevo *Bolus Mendefius*, *Mago* Carthaginenfis atque *Epicharmus* Syracufanus. Primus, quem *Suidas* medicum et hiftoricum narrat, a *Theophrasto* de plantis IX, ubi de abfynthio fermo eft, narratur, oves Ponticas abfynthio paffas bile carere contendens: *Columella* ipfum Aegyptium fuiife et in *ὑπερμεγέτοις* de facro igne

ovi-

ovium egisse auctor est VII 5. Alter librorum de re rustica auctor, qui ex senatusconsulto latine redditi sunt, nobilitate ceteros praeteriit et de sanitate armentorum laudatur, apud *Varronem* I 1 et II 5. Rusticationis parentem illum venerabantur Romani, testis *Columella* I 1, qui praecepta de vitulis castrandis laudat VI 26. *Epicarmus*, diligentissimus de pecudum medicinis scriptor (*Colum.* I 1, VII 5), arietem pugnacem mitigari terebra, secundum auriculas foratis cornibus, affirmavit et quomodo a cane rabido morsus sit medendum (*Plin.* h. n. XX 9), docuit: vixit tempore belli Punici primi. Denique binos, quorum non nisi librorum titulus superest, addo, *Astrampsychem* de asinorum curatione, a *Suida* laudatum, atque *Cleodamum Achnaeum*, περὶ ἱππικῆς καὶ παλαιοδαμαστικῆς scriptorem, auctore *Stephano Byz.* v. αχναί.

P E R I O D U S II.

R o m a n i.

Tanta diligentia et fervore res rustica a Graecis et Romanis culta est, ut non paucis dubium videatur, an recentiores in hac disciplina veteribus antecellant. Enarravit auctores, quorum plerique ad artem quoque veterinariam spectant, ad sua usque tempora *Columella* I 1. Primus nominandus *M. Cato* Censorius, cuius de re rustica liber superest et, quantum ad medicinam pecorum spectat, superstitionem et incantationes habet atque infantiam artis olet. Secutus hunc *M. Terentius Varro*, doctissimus Romanorum iudice Quintiliano, qui l. II de re rustica de pecudum conditione, foetura atque tractatione, l. III de avibus mansuetis, leporibus et apibus di-

fertissime scripsit: propria quidem experientia, nam magnas habuit pecurias, praesertim equarias (II praef.), cum annum octuagesimum ageret. Medici pecoris seu hippiatri, dentium proventus et mutationis (II 7), admissarii (*Beschäler*), perorigae (*Gestütknecht*), equimenti (*Sprunggeld*, apud Non. II n. 9) mentionem facit. Optime de eius vita et scriptis egit cl. *Schneider* in comm. editioni l. de r. r. praemissa. De *Herophilo*, equario medico, iisdem temporibus narrat *Valer. Max.* IX 15. Iungimus *Varroni Corn. Celsum*, qui V libris totum corpus disciplinae rusticae complexus est, auctore *Columella* I 1. Laudatur et *Quintiliano* XII 11, Hippiatr. p. 177, 276, *Vegetio* IV 15 ed. Schneid. Sed iniuria temporis perditum sunt libri, quorum iactura vere dolenda est, cum in libris, qui de medicina supersunt, egregium medicum se probaverit. Ipse suam de pecoribus expositionem laudat V 28 p. 558 et I praef. p. 17 ed. Kraus. Quaedam ex illo a *Columella* memorata collegit *Morgagni* ep. de Celfo I p. 9 ed. Hag. 1724. 4. *Hyginus*, cuius fabulas habemus, de apibus scripsit et de alitibus a *Columella* saepius laudatur.

Non praetereundus est *P. Virgilius Maro*, qui in georgicorum libris veterinaria quoque carmine elegantissimo exposuit atque, ut in vita eius a Donato scripta legitur, magistri stabuli equorum Augusti amicitiam nactus multos variosque morbos incidentes equis curavit. Bovis idonei notas georg. III 51, equi generosi indolem et delectum faciendum ib. 72 exhibet. Morborum signa et causas docet ib. 441, scabiem ovium et venaesectionem instituendam 459, pestem equorum 498, boum 515: atque de corii nequitia saepius croque igne inde contracto 559 monet. Asilum s. oestrum armentis insensum dopingit ib. 146, sed verbum asili mox interiisse putat *Se-*

neca ep. 58. - *Horatii* quoque mentio habenda, quod equi vendibilis vitia *fat.* II 86 tradit.

Plenissimus, qui extat, Romanus rei veterinariae scriptor *Columella* nominandus est. De cura bubus adhibenda II 3 agit: quaecunque ad indolem, educationem et medicinam equorum boumque spectant, l. VI tradit. L. VII asinis, ovibus, capris, suibus, canibus dicatus est, VIII voluerum, piscium, IX apum naturam atque medicinam complectitur. Breviori hic esse mihi licet, cum in *progr. de nosologia brutorum* a. 1798 edito p. 25—28, 36, 45 de *Columella* commentatus sum. Febricitantis bovis signa VI 9 exponit, quae pestis bouillae symptomatibus respondent, nec alienos dolores ventris et intestinorum VI 7 recenset. De contagione autem et pestifera mali indole non refert, de quibus auctores *Virgilius* III 469, *Seneca* de ira I 15 addendi. Elleborum seu confiliginem cuti injectam vel potius per aurem traductam pestilentiae remedium in omni pecore commendat: cum quo conspirat *Persius* *sat.* III 65.

Columellae aetate parum inferior est *C. Plinius* secundus, qui in historia naturali multa de animalium natura et medicina congestit. L. VIII pecora domestica complectitur, ne simiis et cuniculis quidem exceptis, X alites continet, XI apes earumque morbos, nec non bombyces. De dentitione equorum XI 57 agit, canum vermes et ricinum XXII 18, scabiem ib. 23, vermiculum in lingua eanum eximendum, ne rabidi fiant, XXIX 5 memorat. Par Plinio habendus eiusdem aetatis scriptor *Pedanius Dioscorides*, qui varia medicamenta commendavit, v. c. contra boum scabiem, *mat. med.* I 89, iumentorum ulcera et scabiem, ib. 79, pecorum scabiem, III 87, iumentorum canumque scabiem, I 58. Signa rabiosi canis pri-

mus omnium exposuit VI 35, atque primus defunta a pecudibus, plerumque obscena, ut medicamina exhibuit, de quibus *Sextus Placitus* pluribus egit. Hac occasione non possum praeterire *Plutarchum* (sermon. convival. VIII probl. 9) hydrophobiam *Asclepiadis* aetate primum innotuisse narrantem. Iamiam *Aristoteles* h. a. VIII 22 λυτταν canum morbum, immo *Homerus* Il. Θ 299 κυια λυσσηγηα exhibent. De *Epicharmo* supra p. 11 dictum est.

Ex fonte Pliniano hausit *Solinus*, de canibus (polyhist. 25), de equis 57, de camelis 62 agens. *Aristotelem* vero ubique secutus est *Aelianus*, cuius de natura animalium l. XVII supersunt. Curiosa praesertim selegit, ut de apibus, de elephantis autem et de canibus historiolas. De canum morbis IV 40, de oestro et myope (tabano) IV 51, VI 57, de camelorum castratione IV 55. De ruminantium ventriculis V 41 *Aristotelem* exscripsit, VI 27 de felibus narrat, 55 buprestidem comestam inflationis boum causam esse contendit, 59 canibus ratiocinium tribuit. Collector quoque *Iul. Pollex* s. *Polydeucus* nominandus, qui onomastico I 11 de equis et equisonis officio multa tradidit, *Xenophontem* potissimum secutus, c. 12 de armentis et gregibus, II 15 de partibus exterioribus tam in hominibus, quam in animalibus, V 4 — 11 multa de canibus profert. Male autem de vomitu equorum verba facit p. 54 ed. Seb.

Anatomes quoque studium apud Romanos cultum esse, exemplo sunt *Marinus* atque *Rufus*. Alter, quem *Galenus* anatomiae restauratorem dicit et ex quo ipse plurima hausit, multa scripsit hodie deperdita. Nervos diligenter quaesivit et in animalibus vocales (*Gal.* de usu part. XVI 4 et 5) explicuit. Alter animalia secuit, ut ex libro eius de part. c. h. patet: cf. cl. *Sprengel* Gesch. d. A. K. II p. 55. Claud.

Claud. *Galenus*, medicorum seniorum coryphaeus, praeter zootomiam quaedam ad artem veterinariam spectantia passim memoravit. *Vaenetum* atque *Prasimum* equorum stercore et nutritionem disquirentes nuncupat, unde nec medico indecorum esse, asinae lactanti prospicere, meth. med. VII 6 affirmat. *Osantrum* hippiatrum laudat, p. 719 ed. Chart. X. De pecudum pedibus et ungulis disputat, de usu part. III 2. Scrofarum castrationem seu ovariorum extirpationem de sem. I 15 docet, uteros vero animalium male descripsit de usu part. XIV 4. Canem solum ex animalibus rabie adfici de loc. adf. VI 5 contendit. In libro, qui vulgo illi adscribitur, de ponderibus ac mensuris, haec quoque veterinariorum sui temporis invenies. L. III de medicam. fac. parab. quasdam formulas medicas exhibet.

Palladius de educatione, tractatione et stabulis pecudum atque volucrum egit Febr. 16, Mart. 11 — 15, de tonsuris ovium, de apibus et quidquid observare paterfamilias debet, singulis mensibus. Secutus est, quem laudat, *Gargilium Martialem*, sec. III, ut videtur, scriptorem, cuius de curis bouum fragmentum superest. Cf. *Chr. Schoettgenii* diss. de *Garg. Mart.* Dresd.

Sed poetae dicendi sunt. Pestem equorum ex inedia contractam *Lucanus* VI 84, Acherusiam pestem canes primum, tum volucres, silvarum feras, castrorum manipulos vexantem, *Silius* XIV 594 cecinere. Historicos uterque secutus, alter *Caesarem* de bello civ. III 58, alter *Livium* XXV 26. Imitati vero sunt *Lucretium*, VI 1123 pestem Atticam et hominibus et bobus avibusque funestam depingentem, quem et *Virgilius* de peste exemplar sumit, teste *Macrobio* saturn. VI 2. Quibus adiicio *Severum Sanctum* s. *Endeleichum*,
ferio-

ferioris aevi poetam christianum, qui bucolico carmine mortes boum seu pestem bouillam descripsit (c. n. Pithoei ap. Lancisium de peste bouilla). Canum species et virtutes *Gratius Faliscus* (cyneget. v. 150), foeturam 259, morbos et vulnera 545, scilicet rabiem, luem caninam, scabiem letalem, podagram, equos vero venaticos 497 carmine descripsit. *Oppianus* cyneget. I 158 equorum gentes, indolem variam atque notas bene exposuit, de canibus 567 scite docuit. Castora venationis equestris, Pollucem canum inventores II 14 facit, onagrum et equos silvestres III 175. 251 descripsit. His accedit *Nemesianus* canes (cyneget. 104) horumque scabiem exitiosam 202, aurium tineas 209, rabiem 210, equos vero 240, tradens. *Calpurnius* ecl. V de gregibus suaviter cecinit et contra pruriginem seu pforam viventia sulphura commendavit, et ad nomina ovibus imprimenda argentum vivum. Mulas Gallicas atque phaleras equi generosi cecinit *Claudianus* epigr. 8, 15 et 18.

Caelius Aurelianus, de hydrophobia praecipuus scriptor, mentionem meretur: acut. II 9 a gallo gallinaceo leviter morsum in rabiem venisse narrat. Sed de *hippiatricorum* Graecorum collectione nunc dicendum est, facta sec. X iussu Constantini Porphyrogennetae, Graecorum imperatoris. Horum auctores, vel ab auctoribus laudatos, plerumque hippiatros, *Fabricius* bibl. Gr. VI p. 494 enarravit. Agmen ducit *Apfyrtus*, qui sec. VII sub Constantino IV Pogonato meruit et, teste *Suida*, hippiatricum librum et de equis physicum scripsit. Aetate maiorem *Magonem*, coevum *Hippocratem* p. 7 et 10 memoravimus. Post Apfyrtum *Hierocles*, *Pelagonius*, *Theonnestus* palmam ferunt.

Hierocles, Apfyрто iunior sec. IX scriptor, causis agendis in foro operam dedit. Edidit περί της των ίππων διασημειας librum et Cas-
siano

fiano Basso inscripsit. Ex quibus desumpta Geopon. XVI 9—12. Eundem esse *Gerodium*, cuius de cura equorum l. a Latinobarbaris citatur, monuit *Reinesius* var. lect. p. 552.

Pelagonius, Apfyrto iunior, etenim ab illo multa hippiatro-
rum nomina proferente non citatur, a *Vegetio* I praef. et saepius
laudatur. In geponicis XVI, 2. 17. 18 de equis eorumque medi-
cina ex eo invenies excerpta.

Theomnestus, inter equites Caesarianos in armis versatus, con-
tendente quidem *Pearsonio* (*Needham* proleg. ad Hierocl. de fato
et provid. p. XII, cf. *Niclas* proleg. ad geopon. p. LIX). Formu-
lae eius adversus dysuriam, spinae ulcerationem et alias equorum
affectiones habentur geopon. XVI, 12 — 16, de cura canum XIX 3.

Sequuntur reliqui, ex quorum libris hippiatrica sunt collecta.
Pamphilus, grammaticus Alexandrinus, *Suida* auctore, vixit sec.
II ante Chr. et scripsit Georgica. Liber eius περί φυσικῶν laudatur in
Geopon. XV 1. Sed quamvis in catalogo Hippiatr. Gr. Basil. ed.
praemisso nomen eius invenitur, dubitat tamen veterinarium fuisse
Fabricius bibl. Gr. VI p. 499.

Diophanes, qui tempore Ciceronis vixit et *Magonis* libros in
epitomen redegit, referentibus *Varrone* I 1, *Columella* I 1.

Africanus, ut videtur, Iulius ille, qui imperante Severo κείων
libros conscripsit.

Didymus, qui georgicorum l. XV, secundum *Suidam*, con-
cinnavit. Laudantur geopon. X 11 et excerpta ibidem leguntur XVI
22, ubi de camelis agitur, XIV 18. 23 de pavonibus, anatibus,
XV 3 — 5 de anseribus.

Anatolius Berytius. Laudatur a *Photio* tmem. 165 et *Libanio* ep. 15, nec non *Amm. Marcell.* XIX 10, ubi cf. *Valesius*. Fuit per Illyricum praefectus et, ut ex *Amm. Marc.* XXI 6 colligitur, a. 561 obiit. Citatur *Hipp.* p. 217. *Λ. περὶ συμμαθειῶν* fragm. dedit *Fabric.* bibl. gr. IV. c. 29.

Eumelus Thebanus, quem quidam Corinthiacum illum, praeae aetatis philosophum (*Clem. Alex. Strom.* I p. 533, VI p. 629 ed. Sylb.) perhibent, hippiatem *Apsyrto* aetate suppar aut parum superior fuit. *Hipp.* p. 15. 58 sq. 501 sq.

Himerius, ad quem hippiatrum *Apsyrto* epistola legitur *Hipp.* p. 140. De reliquorum *Aemilii Hispani*, *Archedemi*, *Liborii Beneventani*, *Tiberii* aetate et conditione non constat. *Hieronimus* Libycus de armis laesis ab *Hierocle* citatur.

Prodiit collectio latine reddita a *Ruellio*, iussu Francisci I Gallorum regis, Paris. 1530. fol. min. Idioma Graecum ed. *Grynaeus*, Bas. 1538. 4. Versio Italica, Venet. 1543. Gallica *Io. Massei*, Paris. 1563. Germanica *G. Zechendorff*, Egrae, 1571. 4. Norimb. 1575. fol.

Licet in medicamentorum farragine tradenda liber potissimum versetur, multa tamen ad morbos varios equorum naturamque eorum facientia continentur et primum utilissimumque de variis equorum morbis et operationibus commentarium exhibet. Aegre hic abstinere, de his differere. Facta haec ab *Hallero* bibl. chir. I p. 99, bibl. pract. I p. 288, *Paulet* rech. I p. 59, atque cl. *Sprengel* Gesch. d. A. K. II p. 254. Pauca libemus. Malis seu malleus morbi fontici genus narratur et in humidum, siccum, articulare atque subcutaneum dividitur. M. humidus nostro *Rotz*, siccus *Steinkropf*, articu-

ticularis claudicationi in morbo *Rotz* consummato accidenti, subtercutaneus *Wurm*, respondent. Summus m. subtercutanei gradus elephantiasis nuncupatur, p. 21. Καρδαί sunt nostra lingua *Wurmbeulen*, Gallis *cul de poule*. Χοιραδες p. 65 et παρισθμια p. 60 sunt nobis *Druse*. Sub καρδιασεως s. hordeationis nomine morbus *Rehe* latere videtur: in summo mali gradu ορθοκωλοι p. 262 nuncupantur. Colicam intestini tenuioris χορδαψον, crassioris ειλεον, volvulum vero στροφον vocant. Πυρωμα ignis facer seu carbunculus est. Κενοπρεσις respirationem abdominalem, *Flanken/schlagen* significat. Πνευμορρεωξ p. 29 est asthma, χολερα p. 200 phrenitis, *mal d'Espagne*. Σειρεαν dicitur morbo *Spat*, pedica s. catena laborare. Κρισσοι p. 205 sunt *Gallen*, χειρωμα, *Leist*, marmora *Veget*. Παραπρεισμια, *Courbe*, μαριμακων, *Mauke*, μυρμηκιαι, verrucae, rhagades, forte *Kroete*, φοινικες p. 241 excrescentiae ficosae. Describitur talpa, ulcus cervicis mali moris, malandria *Veget*, hernia scrotalis, epilepsia, mania, tetanus. Inveniuntur tres castrandi methodi, mos quoque Sarmatarum p. 67. Agitur de fractura radii (καρκιδς, *Fesselbein*), de abortu in equabus manu concitando, de vesica per anum manu comprimenda contra dysuriam, de fimo manu eliciendo. Legitur de testium tumore et inflammatione, de stillicidio colis purulento ab ulcere, de exungulatione atque reproductione ungulae.

Alia collectio narranda est *Geoponicorum*, in quibus rei rusticae praecepta ex Graecis auctoribus congesta continentur. Facta collectio a *Cassiano Basso*, qui *Hierocli* fuit coaevus, iussu Constantini Porphyrogenn., et aetate hippiatrica praevit. Veterinaria haec sunt. L. XIV de columbis, gallinis earumque morbis, pavonibus, phasianis, anseribus et anatibus agit. Gallinarum morbi κορυζα, *Pips*, phthiriasis atque diarrhoea, anserum απειψια, cruditas, recensentur.

sentur. L. XV naturae sympathias et antipathias in animalibus *Zoroastris* nomine inscriptas, nec non apes continet, XVI equorum naturam et morbos, nec non asinos et camelos recenset, XVII de bobus memoranda exponit, XVIII oves, capras, XIX canes et fues complectitur. Descriptiones morborum frustra quaeres, sed formulas et remedia parabilia invenies. De equorum foetura ac dentitione *Apsyrthus* XVI 1 bene egit, equos *ιλλυγιωντες* memorat *Hierocles* XVI 9, vertiginosos, in quibus in gyrum motus cernitur. Horum auctores, quos et hippiatrica habent, sunt *Africanus*, *Anatolius* s. *Berytius*, *Apsyrthus*, *Didymus*, *Hierocles*, *Hippocrates*, *Pamphilus*, *Pelagonius*, *Theomnestus*. Quae ad equos spectant, ex *Apsyrto*, *Pelagonio*, *Theomnesto* et *Hierocle* defumta sunt. E priscis hic habentur *Democritus* atque *Zoroaster*, nec non *Varro* Romanus. Praeter illos veterinaria invenies ex his qui sequuntur.

Florentinus, cuius georgica X 54 (ubi patet, vixisse illum sec. III sub Macrino Imp.), XVI 22 laudantur. *Photius* quoque myriob. tm. 165 eius meminit. Huius nomen ferunt XIV 1 de columbis, 7 de gallinis, 16 de gallis, XV 2 de apibus earumque morbis, XVII 1 de vaccis, 25 de claudicatione, XVIII 1 de ovibus eligendis et probandis, 9 de capris et hircis, XIX 6 de suibus.

Fronto, si idem est, quem *Suidas* memorat, sub Severo Imp. vixit. Eius est XIX 2 de canum foetura et educatione. Ad huius nominis hippiatrum scripsit *Apsyrthus* Hipp. p. 197.

Leontinus, quem sub Iustiniano Imp. vixisse probabile est. Eius nomine inscriptum est XIV 12 contra gallinarum coryzam, XVIII 15 contra morbum ovium pestilentem.

Paxa-

Paxamus Graecis de re culinaria scriptoribus accensetur a *Columella* XII 4, laudatur ab *Athenaeo* deipn. IX 6, *Iul. Polluce* VI 10, p. 287 ed. Seb. *Suidas* eius georgica commemorat, citantur *geopon.* X 54. XIV 17 eius gallinarum medelae exhibentur et *coryzam* ferro lancinandam esse docetur. XVII 15. 14 variae boum medelae proponuntur.

Quintilii fratres sub *Commodo* Imp. floruerunt et georgica promulgarunt. Cf. *Dio Cassius* LXXII p. 819 ed. Leunclav. *Reinesius* var. lect. p. 357. In *hippiatr.* p. 4 laudantur. Hos quoque innuit *Athenaeus* deipn. XIV 20. XIV 22 anserum historia ex iis desumpta est, atque XVII 5 boum admissura.

Sotion ille, qui sub *Tiberio* vixit et cuius scripta *Diog. Laert.* I p. 56 ed. Menag. et X init. laudat: in *geopon.* I 15, V 10 commendatur. Atque XVII 7 et 12 de oestro atque de pastu boum, nec non de vermibus sub lingua placita eius traduntur.

Tertia collectia memoranda est, *ἰεγυροσόφιον* et *Κυνόσοφιον*, quam ex bibl. Reg. Medicea ed. *Rigaltius*, Lutet. 1612. 4. Inest *Demetrii Pepagomeni* s. Constantinopolitani, qui vixit sec. XIII sub *Michaeli Palaeologo*, Romanorum, vel, ut dici maluerunt, Graecorum imperatore, de re accipitraria liber, signa sanorum, morbos et curandi rationem, vomitum, rheuma capitis, epilepsiam, pforam, lichenes, emphysema, calculos viscerum, fracturas, sanguinis missionem continens. Alter anonymi de re accipitraria, formulas exhibens. Tertius *Michaeli Palaeologo* inscriptus. *Cynosophium* curam canum atque remedia varia tradit. Sequitur epistola *Aquilae Symnachi* et *Theodotionis* ad *Ptolemaeum* R. de re accipitraria, lingua catalanica, opus spurium. His antiquior est *Leonis* VI Imp. de

de re accipitraria opus in ms. adhuc latens (*Vigil. bibl. clir.* p. 1638). Cynosophium latine ediderat *Aurifaber*, Viteb. 1545. 8 et cuidam *Phaemoni* tribuerat. Iunctim cum ornesophio typis evulgaverat *Gillius*, Lugd. 1562. 8.

Musonii cuiusdam Romani libellus de mulorum foetibus citatur apud *Fabric. bibl. Gr.* XIII p. 343. Nisi forte mulos illos Syriacos seu onagros *Aristot. hist. anim.* VI 24 intellexerit auctor, de re rara et paene inaudita sermo est, cuius tamen exempla quaedam collegit *Hartmann* (*Anleit. z. Verbeß. d. Pferdezeit* p. 379). Quare, cum mula pepererit, portentum existimabant Romani, testibus *Varro* II 1, *Plinio* h. n. VIII 44, *Iul. Obsequente* de prodig. c. 55. 125. 130.

Agmen Latinorum claudat *Vegetius Renatus*, cuius de mulomedicina liber extat. Auctor (III praef.) ex diversis auctoribus enucleata collegit et in libellum contulit. Sed exscriptor solus hippiatricorum atque *Columellae* censendus est, unde locum debitum ipsi tribuit *Crenius*, de furibus librar. p. 113. ed. L. B. 1705. L. I et II morbos equorum tradit, III boves complectitur, IV quaedam ex anatome et historia naturali equi, nec non medicamentorum farra ginem continet, in quibus anquirendis auctor potissimum studiosus est. Neque credendum est, illum (I praef.) ab initio aetatis alen dorum equorum studio flagrasse, aut (IV 6) per diversas et longin quas peregrinationes equorum genera universa cognovisse et in sta bulis suis saepe nutritivisse: sed non raro ieiunum atque ineptum se probat. Unde probabile est, ferio rem monachum quendam sec. XII aut XIII (cl. *Sprengel* *Gesch. d. A. K.* II p. 239) nomine *Vegetii* ab usum libellum ex aliis exscripsisse. Testantur Italici sermonis ve stigia,

stigia, quae *Haller* bibl. chir. I 102 monstravit. Malidi seu mallico morbo addit subrenalem, sarciminofum et elephantiosin, et septem eius species in bobus quoque narrat, quae sane a natura abhorrent. En vocum barbararum atque insolentium, quibus utitur *Vegetius*, explicationem.

Acrocolesion, *Backenbein*, colesium, *Hüftgelenk*.

Adsellatum iumentum, cacavit.

Aestuosa animalia, a solis aestu laesa.

Alienatus morbus, pestis pecudum illata.

Appiosus equus, maniacus, *kollericht*.

Aquatilia, *durchgehende Gallen*.

Armus, *Armbein*, *Bug*.

Brachiolum, *Kegel*, armum excipit. Brachiola quoque sunt venae brachiales, *Schrankadern*.

Cardiaci equi, *haarschlächtig*.

Cirri tibiales, *Hornwarzen*, *Castanien*.

Colatorius equus, *Pasgänger*. Totonarius, *Trab*.

Coriago boum, marcor, marasimus.

Corona, coronula pedis, *Krone*.

Cossi, oestri chrysalides, *Bremsenlarven*.

Coxa, *Backenbein*.

Cruditaz, apepsia, initium inflationis in bobus.

Episttonici, emprosthotonici.

Extalis, intestinum rectum.

Famices, *Blutspat*.

Folliculus, praeputium, *Schlauch*.

Frendor, stridor.

Frenesia, phrenitis.

Gamba,

Gamba, *Schienbein*. Subgamba, ossa lenticularia.

Geniculum, genu posterius, *Sprunggelenk*.

Glandulae, *Druse*, *Kropf*.

Iacca, unde pabulum ducitur, *Raufe*.

Ileus, volvulus intestinorum.

Implectici, rigidi, idem quod lineosi.

Indignatio vesicae, lotii retentio; vulneris, incuria et contusio.

Laccae, *Gallen*.

Lethargici, *Dummkoller*.

Lienosi, initium roborosae passionis.

Lunatica animalia, epileptica. Oculus lunat., ophthalmia periodica, *Mondblindheit*.

Malandria, ulcus cervicis mali moris, *Maulwurfsgeschwulst*.

Malleus humidus, *Rotz*, aridus s. suspiriosus, *Dampf*, subtercutaneus, *Wurm*, articularis, *Rehe*.

Mallones, marmora, *Schalle*, *Leist*.

Matrices venae, iugulares. Unde dematricare.

Morsus, maxilla.

Muscarium, *Riebe*, *Schweif*.

Natura excidit, vaginae prolapsus.

Nervi tumor, *courbe*.

Orthocoli, *Zwanghuf*, immo *Kernschwirren*.

Orthomici, opisthotonici, si tetanus lumbos praecipue occupat.

Pendigo, ulceratio, caro putrida.

Phragmatici, colica stercoracea s. ab obstructione laborantes.

Pulmunculus, fici, caro luxurians.

Rabiosi, summus maniae gradus.

Ranula, in planta pedis *Strahl*. In lingua vesiculae, *Maulweh*.

Robo-

Roborosa passio, tetanus, *Hirschkrankheit*. Unde Obroboratio.
 Ronchos ducere, stertere.
 Sagum, pannus laneus.
 Sarcosi, anasarca affecti.
 Sideratio, trismus.
 Sparteae solea, calceus e funibus sparteis confectus.
 Spathulae, costae.
 Sphacelismus, sphacelus tetanum traumaticum terminans.
 Spondyli, vertebrae.
 Stillofi, pedis rigiditas et arescentia ex m. *Rehkrankheit*.
 Strophus, colica.
 Stuppa, *Werg*, ligaturae inserviens.
 Suffragines, *Fessel*, *Koethe*.
 Suffusio, *Steingallen*, *Blauwe Mäler*.
 Syntexis, tabes.
 Syrmaticea iumenta, *buglahm*.
 Toles, glandula submaxillaris.
 Uligo, urigo, morbus herpeticus *Mauke*.
 Vulsi, valetudinarii, phthifici, poussif Gallor. Idem tussici.

P E R I O D U S III.

A r a b e s.

Equorum patria et antiquissima cura apud Arabes quaerenda est
 (*Zimmermann* Zool. geogr. p. 143, *Michaelis* v. d. ält. Gesch. der
 Pferde. Francof. 1776. 8). Prosapia nobiliorum, qui ipsis *Koech-*

Arabi audiunt, a MM annis dicitur observata. Neque tamen hippiatricae studio unquam claruere Arabes, quibus medio, quod dicunt, aevo magis ingenio et phantasia vividiore, quam observatione operosa et experientiae studio, gloria debetur. Res rustica praesertim a Mauris in Hispania degentibus tractata esse videtur, quantum in monumentorum penuria colligi licet. Ex Graecis vero pleraque, quae in veterinariis praestitere, desumpta esse vix dubium videtur. Variolae pueriles an in Arabiae campis primum conflatae ex equis pedum uligine pulmunculisque laborantibus in homines pariter ac in vaccas transferint, serior aetas forte diiudicabit. Propositum est a cl. *de Carro* hist. de la vaccination en Turquie, Vienn. 1804.

Primus, cuius opus veterinarium in bibl. Reg. Paris. latens laudatur (*Haller* bibl. pr. I p. 346), est *Honein Ebn Ishak* vulgo Iohannitius (+ 873), Graecos sequutus. Eodem tempore *Thabet Ebn Merwan* veterinaria concinnavit (*Haller* l. c. 352). *Arrazi* s. Rhazes de leonum morbis libellum scripsit, teste *Casiro*, *Haller* l. c. p. 364. *Ebn Sina* de animalibus libellum conscripsit, in quo de infirmitatibus eorum egisse fertur, *Haller* l. c. p. 392, licet historiae naturalis ignarus dicatur apud cl. *Sprengel* Gesch. d. A. K. II p. 548. Prodiit cum aliis Avicennae operibus logicis et physicis Venet. 1500. fol. ed. Cecilio Fabrianensi.

Ebn Roschd vulgo Averroes, Arabum Aristoteles, num aliqua ad rem nostram spectantia habeat, vel an typis mandata sint, nescio: historiae naturalis peritissimus dicitur apud *Freindium* (hist. med. p. 255 opp. ed. Paris. 1735). *Almagerithi* de historia et generatione animalium codicem in bibl. Escorialensi servatum nominat *Haller*

ler

Ier bibl. anat. I p. 135. Magnum de animalibus opus conscripsit *Muhammed Demir* s. *Adamirius* (+ 1406), cuius duo codices se inspexisse et multo cum fructu adhibuisse fatetur *Bochartus* hieroz. praefat. Cuius epitomen dedit *Ain al Hiat*, ab *Herbeloto* laudatus, cf. *Fabric. bibl. Gr.* XIII p. 44. Simile opus Arabis *Abdorrachman* filii *Abizenadae* de animalium proprietatibus laudat *Bochartus* et vulgavit e bibl. Mazariniana *Abraham Ecchellenfis*, Paris. 1647. De camelorum reliquorumque apud Afros animalium historia egit *Io. Leo* hist. Afr. IX 30 sqq.

Ebn Beithar, Hispanus, ipse equitum magister, hippiatrica edidit, *Haller* b. pr. I p. 405, cl. *Sprengel* l. c. 582: si *Io. Leonem* in vita eius sequamur, de animalibus opus, secundum ordinem alphabeti, tribus voluminibus completum. De eius vero equitum magisterio nihil invenimus in vita *Albeitaris*, quam ex *Abulfe-dae* annal. nuper dedit venerab. *Lorsbach* (pr. de cod. Arab. Fuld. Herborn. 1804, p. 13). *Abubekr ben al Bedr*, medici veterinarii, librum hippiatricum in bibl. Reg. Paris. servatum laudat *Herbelot*. cf. *Fabric. B. G.* XIII p. 23. Anonymi Arabis de equorum morbis codicem Parisinum laudat *Haller* bibl. pr. I p. 421.

De cane rabido et hydrophobia egit *Io. Serapion* s. *Ianus Damascenus*: cl. *Sprengel* l. c. p. 505. *Rhazes* de canis rabidi signis et conditione praeclare egit ad *Almanfor* VIII c. 10, nec non *Alhawi* XX. Animalia demorsa in rabiem agi auctor est *Ebn Zohr*, *Haller* bibl. pr. I p. 596, qui caprae pulmonis particulam resecurit, animale superstite. Vermis in bubus genus, venam bovinam, *Medinensi* congenerem, ex Arabibus *Alzaharavio* et *Iauhario* refert *Velsch* de vena *Medin.* p. 47. De quo invenies in *Abulcasem* (*Alzaharavii*) chir. II c. 92, *Ebn Zohr* II tr. 7 c. 21.

De agricultura opus *Abdala Ebra Baccal*, medici Toletani, scriptum a. 1269, in bibl. Escorialensi asservatur, cf. *Fabric.* l. c. p. 19. A quo differt *Ebn Alavam*, Sevillani, eiusdem argumenti liber, cuius duo capita inveniuntur ad calcem *Moucenus* tratado de cultivo de las tierras, Madriti, 1751, 4, latine facta a Mich. *Cassiri* et Pet. Rodriguez *Campomanes*. Quis vero sit ille thesauri rei rusticae antiquioris apud Afros auctor, quem laudat *Hohberg* georg. eurios. praefat., non liquet.

PERIODUS IV.

Arabistae.

Medio aevo artis veterinariae studium magis cultum est, quam aliae disciplinae et, quae a veteribus tradita erant, retractata et novis curis experientiaque aucta sunt. Ferramentorum seu solearum ferrearum inventio, morborum in ungulis plantaue evenientium causa aeque ac solamen, priscis Germanis debetur solo saxoso ductis. Apud Graecos Romanosque calcei aenei, argentei vel e funibus contexti inveniuntur (*Plin.* h. n. XI 46, *Sueton.* Ner. 20, *Vespas.* 25, *Catull.* XVII 26), vel ostentationis causa, vel ut ungulis aegris succurrerent, confecti. Antiquissimum ferrum illud in sepulcro Childerici Francorum regis, a. 481 extincti, Tornaci repertum. Similia apud *Arnkiel* Cimbrische Heydenbegräbn. p. 164, *Beckmann* Besch. d. Mark Brandenburg I p. 401, cl. *Bouwlinghausen* Taschenkal. f. 1794 p. 65 leguntur. In speculo Saxonico II art. 12 §. 4 ut in anterioribus pedibus equi sufferrentur praeceptum legitur. Apud Anglos *Wilhelmus Conquæstor* equos ferrandi morem praecepisse vide-

videtur, apud Gallos sub Philippo Pulcro notus erat (*la Fosse Pferdarzney* IV p. 170). A Germanis gentibus ad Graecos inventum traductum est, nam *Leo* Imp. tactica V 4 *σεληναία σιδήρεα* nuncupat. Boves in anterioribus pedibus ferrandi mos senior apud Germanos obtinuit. Fungus ille articularis, quem dicimus *Stollschwamm*, crebrior ab hoc tempore observatus est, cum apud Graecos Romanosque vix inveniatur. Optimi de ferramenti inventione auctores cl. *Io. Beckmann* *Gesch. d. Erfind.* III p. 122, *Brugnone* v. d. *Zucht d. Pferde* p. 224, *Clark* *Anm. v. Hufschlag* p. 2.

Fulfit hoc aevo *Friderici II* et filii *Manfredi* imperium literis renascendis magis etiam, ac fuit, faustum, si per bella internecina licuisset. Historiae naturalis studio *Fridericus* Imp. maxime flagavit eiusque, nec non anatomes comparatae, solertissimum se praebuit in l. de arte venandi cum avibus, quem commentariis illustrare *Marcus Velsper*, cl. *Schneider* atque cl. *Chardon la Rochette*. Anatomes studium promovit et scholam Salernitanam novis privilegiis ditavit: ad anatomen vero, quia homines dissectare a Papa interdictum erat, sues atque canes adhibebantur (*Haller* *bibl. anat.* I p. 147, cl. *Sprengel* *Gesch. d. A. K.* II p. 487). Cum chirurgia inculta iaceret et ad fabros rusticosque ablegata esset, balneatores vero plerumque infames haberentur, ars veterinaria incrementa cepit. Recensentur sec. XIII medici veterinarii in *Mittarelli* cod. mss. *bibl. Nannianae*. Venet. 1776.

Princeps huius aevi et ad artem veterinariam natus est *Iordanus Ruffo*, Calaber, eques et *Friderici II* Imp. familiaris, cuius liber dell' arte de Marascalchi inscriptus et a P. Gabr. *Brunone* Italice redditus, primum prodiit Venet. 1492. In editione Bononiensi

1561 *Rusio* male vocatur. Collecta de *Ruffone* dedit cl. *Schneider* praef. ad *Frid. II* Imp. librorum reliqua p. XV, qui ad *Vegetium* illustrandum eius libro usus est. C. 4 morbum strangulionem, strangojone describit, etranguillon Gallor. strangles Angl. C. 11 sub voce pulivo cavallo vulfos *Veget.* exhibet. C. 13 de scalmatura agit, morbo acuto pestilente, in quo interiora desiccantur et fimus perquam putidus editur. C. 15 morbum ciamurro, *Rotz* narrat, la morve Gallor., eodem nomine, quo hodie Hispani utuntur, sed a glandula equorum nondum distinxit. C. 22 sub voce pulmone della schera pulmunculos dorsi, in loco qui nobis dicitur *Widerrüft*, tradit. C. 30 gerdam in genubus, javart Gallor. enumerat. C. 31 spavano, nobis *Spat*, Gallis eparvin, refert. C. 42 sub voce furma mallones *Veget.* tractat. C. 50 sub nomine mali pinzanosae et pinfanese glossanthracem cum claudicatione epizootica plerumque coniunctam exponit. C. 55 de fico, *Feigwarzen* nostratium, docet. C. 62 de vivolis, nobis *Veifel*, avive Gallor. dicit et operationi iniquae et crudeli, parotidum conquassationi, ansam dedit. Unde patet, recentioribus hippiatris praevisse *Ruffonem*, adeo ut et nomina eius servarint.

Actate huic parum inferior est *Laurentius Rusio*, qui in ed. latinae fronte vocatur *Ruzo*. Est vero ista editio Romana, fol. ad a. 1480, iudice *Mattairio*, referenda, et ad calcem auctor se nominat *Laur. Rusium*, de urbe Marefcalcum et familiarem Neapoleonis de Urfinis S. Adriani cardinalis (cardinalis ille 1288 dignitatem nactus obiit Avenioni 1342). Inscribitur vero liber de natura, electione, educatione, gubernatione ac omnium morborum equi cognitione ac curatione. Pestem a. 1501 millenos equos Romae perimentem anticardiam, antecor, describit: morbum *Rotz* cimorea vocat.

vocat. C. 66 morbum lampasco o la fava i. e. ranulam sub lingua memorat. C. 146 de farfino, farçin Gallor., *Wurm* nostratium, verba facit. Exscripsisse vero cum plerumque *Iordanum Russum* cl. *Schneider* comm. ad Veget. p. 45. 72 probavit. Praeter *Iordanum* quendam *Maestrum Maurum* laudat.

Rem oeconomica et veterinaria illustravit *Petrus de Crescentiis* a. 1250 natus, ruralium commodorum l. XII, quorum ed. princeps Aug. Vindel. 1471 fol. prodit. De nutritione et custodia equorum, de bobus, vaccis, capris, ovibus aliisque animalibus domesticis tradidit, de medicina vero *Iordanum* quoque exscripsit, ut *du Cange* glossar. v. scalmatura, nec non cl. *Schneider* l. c. p. 51 sq. 66 sq. monuere. Quaedam ad nos spectantia *Matthaeus Silvaticus* operi pandectarum insperfit, c. 46 de angina suum, 551 de marmoro, 595 de pori, 602 de realgar, quod contra equorum vermes et fistulam ut mortificativum commendat. *Gerodium* (cf. supra p. 17) saepe laudat.

Anatome comparata atque historia naturalis hoc aevo non prorsus neglectae sunt, licet incrementa vix ceperint. Concinnavit *Alanus ab Insulis* (+ 1202) l. de natura quorundam animalium, in quo Aristotelem atque Plinium secutus est (cf. cl. *Beck* Handb. d. allg. Weltgesch. III p. 742). *Ludov. Bellovacensis* (+ 1262) in speculo doctrinali, vasto opere l. XXXIII, multa ad historiam naturalem et artem veterinariam spectantia congeffit (*Haller* bibl. anat. I p. 144, cl. *Blumenbach* intr. in hist. med. lit p. 100). Veterinaria l. XVIII continentur. *Albertus Magnus* (+ 1280) de motibus animalium l. II, de animalibus l. XXVI (seorsum, Venet. 1509, fol.), atque ornithologiam edidit. Quae de falconibus, asturibus
atque

atque accipitribus habet, cum Friderici Imp. libro cit. sunt excusa. De equis *Russum* exscripsit atque de morbo strangulione, quod intra 12 dies subinde in morvellam transeat, addit. Cf. cl. *Buhle* de fontibus, unde Albertus M. libris suis XXV de animalibus materiam hauserit, in comm. soc. Goett. XII cl. phil. p. 94. *Bartholomaei de Glandville* dicti *Anglici* de rerum proprietatibus l. XIX nonnulla ad anatomen et historiam naturalem facientia continent.

Ad hoc aevum pertinet *Cophonis* anatome porci, Venet. 1502 fol. atque Marb. 1557 a *Dryandro* edita, quam *Haller* bibl. an. I. p. 145 recenset. Mentio quoque facienda *Conr. Megenberger*, qui l. *Buch der Natur* varia ad anatomen comparatam et historiam animalium pertinentia collegit (*Haller* l. c. I p. 151, *Iosephi* Anat. d. Säugeth. p. 47). Libri, qui ortus sanitatis inscribitur et primum a. 1483 prodiit (*Haller* bibl. bot. I p. 259), t. II tractatum de animalibus continet, c. figg. (cl. *Blumenbach* intr. in hist. med. lit. p. 115, ei. Gesch. u. Besch. d. Knochen p. XIX), cuius auctor quidam *Iac. Meydenbach* esse dicitur.

Inter seriores huius aevi scriptores nominandus est *Valentinus* ex Reg. stirpe Arragonica, qui sec. XV medio vixit. Eius de cavallo de las suas malatias e grand part de las curas de aquellas cod. ms. laudat *Haller* bibl. pr. I p. 461. Eiusdem temporis est quidam Magister *Albertus* (Meister Albrecht), qui libellum edidit, *wie man pferdt ertzneyen und ein jegklich pferdt erkennen soll*, et in fronte se nominat *Keyser Fridrichs (III) schmidt un. Marstaller von Constantinopel*. *Augustus Mago*, ex Gallicia oriundus, de natura equorum librum evulgavit, Venet. c. f. 1508. 4, 1557. 8 Italico sermone typis evulgatum, in quo de morbis cognoscendis et curandis,

de

de vitiis emendandis deque sufferrandis equis agit. His adiungendus est *Georg. a Gemmingen* (+ 1511), qui de cura militum orationem aliaque scripsit ideoque a *Tiraquello* inter veterinarios relatus est. Cf. *Fabrie. bibl. Gr. VI* p. 496. De frenis phalerisque auctor *Creuzberger*, cuius liber idiomate Italico prodiit Vicentiae, 1505. 4, tum germanice sub tit. *Contrafactur und Formen des Gebisses*, Vindob. 1591. Quem sec. XV exeuntis scriptorem *Diez* laudat cel. *Viborg Samml. v. Abh. II* p. 257, ignoro: forte *Alphons. Diez* seu *Diaz*, Hispanus de peste scriptor, intelligendus, qui sec. XVI post medium vixit.

Maiori cura aucupium, falconum historia atque venatio tractata sunt. Ex Hispanis iterum commemorandus *Aug. Mago*, de gubernatione, morbis et medicatione falconum, accipitrum et nisorum scriptor. Ed. princeps Venet. 1502, 4. Rec. cum libro supra dicto *Magonis. Aloyf. Befalu* idem argumentum tractavit, cuius l. della scienza strucciaria (accipitraria) ed. Pet. *Belbasso*, Venet. 1510. fol. E Gallis nominandus est *Guil. du Puy en Vellay*, Caroli VIII R. lector, de re accipitraria scriptor. *Ioannes de Franchieres*, eques Melitensis et magnus Aquitanniae prior, cuius l. de l'art de fauconnerie primum prodiit Paris. 1511. 4. In editione Pictaviensi 1567, 4 iuncti sunt de eodem argumento scriptores Galli *Martine*, *Malopin*, *Michelin* atque *Amé Cassian*, nec non Hispanus *Artalis* (Artelouche) de *Alagona*. In ed. Paris. 1621, 4 annexa est ars venatoria (venerie) *Iac. de Fouilloux. Guil. Tardys*, quem *Haller bibl. pr. I* p. 472 ad a. 1492 refert, auctor libri de fauconnerie et du duyt des chiens de la chasse. Ex Italis *Adrianus* cardinalis (+ 1518) de venatione carmen ad Ascanium Card.

S. Viti scripsit, quod cum Gratii, Nemefiani atque Calpurnii ed. principe Aldina 1534, 8 prodiit.

Pestis quoque ingens suum reliquorumque pecorum ex hominum contagione contracta a. 1548 — 50 non praetermittenda est, curate descripta a *Boccacio* decamer. init. Scriptores Anglos *Carte*, *Barnes* atque *Walsingham*, Gallum *Biterris* citatos invenies apud cl. *Sprengel* Beitr. z. Gesch. d. Med. I p. 96. Glandulam equorum (cimurro) in Barbaria a. 1588 visam esse *Brugnone* v. d. Zucht d. Pferde p. 302 auctor est. Malleum equorum humidum seu morvam a. 1494 in obsidione Neapolitana primum ortum esse *la Fosse* p. (traité de la véritable siége de la morve, praefat.) contendit: cuius morbi isto tempore stragem facile concedamus, novum vero fuisse dubitemus. *Fracaistorius* de contag. I 12 (opp. ed. Venet. 1555. 4 p. 115) pestem boum contagiosam glossanthracem a. 1514 in Foroiulienfium tractu ortam bene descripsit. De pestibus pecorum quoque *Marfil. Ficinus* (+ 1499) quaedam libro de morbis epidemicis insperfit, teste Laur. *Ioubert* opp. ed. Lugd. 1582, fol. I p. 169, atque contagionem per canes felesque, licet sanas, transferri observavit.

Novum arti veterinariae lumen attulere Hispani *Alph. de Herrera*, de agricultura scriptor, *Franc. de la Reyna*. Sed limites mihi propositos iam attigisse me video. Quae reliqua sunt, alio tempore publici iuris facere animus est. Speciminis enim loco haec
prae-

praemissa sint operi maiori, in quo, si vires proposito non impares futurae sint, rei veterinariae historia et scripta, ad exemplar bibliothecarum immortalis *Halleri*, uberius curatiusque tractata et ad nostri seculi initium usque perducta, continebuntur. In quo instituto fatendum est, cel. *Viborg*, scholae Hafniensis antistitem et hippiatorum nostri aevi nemini secundum, cel. *Havemann*, instituti Hannoverani directorem et hippiatorum in Germania facile principem, cel. *Waldinger*, scholae Vindobonensis magistrum sagacissimum, pro ea, qua erga rei veterinariae amantes sunt humanitate atque benevolentia, consilio subsidiisque literariis me adiuvisse. Quorum illustrium virorum exempla ut exteri viri docti et in hoc studiorum genere arbitri sequantur et circa artem olim contemptam, dein a magnis viris cultam hodieque ab illotis frivolisque manibus, quae se immiscuerunt, non paucis agitatam, in me symbolas suas conferre non dedignentur conatusque meos aequi bonique consulant, hoc in votis est.

Ansam haec scribendi dedit decani munus hoc anno finito deponendum. Indicendi sunt clarissimi atque doctissimi medicinae candidati, qui operae studiorumque mercedes nacti summis in medicina et chirurgia honoribus, ex ill. senatus academici decreto, me promotore, sunt condecorati.

I.

Franciscus Scherff, Volcmaria Westphalus. Natus d. 30 Nov. 1779, patre Iosepho, camerario Volcmarsumensi, matre *Berend*. A praeceptoribus privatis literis imbutus gymnasium Paderbornense adiit. Autumno a. 1804 in academiam Helmstadiensem se contulit, ubi professorum celeberrimorum *Beireis*, *de Cröll*, *Remer* atque *Bartels* institutionibus insigni cum fructu usus est atque cel. *Remer* clinicis exercitationibus interfuit ipseque ad aegrorum lectos adiit. Post biennium Helmstadii peractum Goettingam migravit atque ex ore cel. *Richter* in chirurgia medica, apud cel. *Osiander* in arte obstetricia tam theoretica quam practica, apud cel. *Himly* in clinico medico chirurgico fructus hausit. D. 5 April. ad facultatem nostram venit, ut examini solemni se subiiceret. Bene stetit et dignus est habitus, in quem summi in medicina et chirurgia honores conferrentur, quod postridie factum.

II.

Christianus Augustus Adolphus Kober, Ciza Saxo. Primam lucem hausit d. 16 Mart. 1773, patre ludimagistro et ecclesiae S. Michaelis aedituo atque antistite. Postquam per sex et dimidium an-

num gymnasium in urbe patria, quam venerab. *Wilke* regebat, frequentaverat, ad artem pharmaceuticam, in quam animus propendebat, transiit. Pharmacopolae Ienenſi b. *Scheube* traditus est, ex cuius institutione humana prudentique maximos fructus per quinquennium percepit. Simul lectionibus chemicis et pharmaceuticis vv. clcl. *Goettling* atque *Fuchs*, botanicis et mineralogicis b. *Batsch* interfuit. A. 1794 Ienae valedixit, atque Erfordiam, inde Gotham, petiit, ubi in officinis pharmaceuticis laborum socius fuit. Tum Onoldinum, Solodurum, Lahriam in Brisgavis, Tigurum atque Argentoratum migravit, ubi provisoris provincia plerumque ipsi erat commissa. Porro peregrinandi cupiditate motus Bipontum, inde Crefeldiam Westphalorum se contulit, demum Ratisbonam, ubi officinae Ströhlinianae praefuit. Inde, literarum amore ductus, ad nos migravit, ubi officinae Nebelianae provisoris munus suscepit, simulque studio medico operam navavit. B. *Posewitz* in anatome, excell. *Müller* jun. in physiologia, meque in pathologia, therapia speciali et medicina forenſi, habuit magistros. Examen facultatis in chemia et pharmacia d. 23 Maii 1803 eum laude sustinuit. Cum in patria praxin medicam exercendi animus esset, inopinato fortuna ad officinam pharmaceuticam illum vocavit atque m. Aprili 1804 eum vidua pharmacopoei *Baer* matrimonium iniit Halae Suevicae. Doctoris chemiae, pharmaciae et botanices gradum bene promeritum consecutus est d. 12 Iun. 1805. Diff. inauguralem observationes exhibentem de acido acetico puro ex cupro acetico obtinendo, de kali acetico et spiritu acetico aethereo, 4 plag. fol. lingua vernacula typis excudi curavit.

III.

Henricus Eikenbusch, Boekenfoerdae Westphalorum lucis usura frui coepit a. 1779, patre Conrado, rem oeconomicam tractante, matre Anna *Schulte*. Primis literis rite eruditus gymnasii, quod Gesecae floret, ducibus rever. patribus Franciscanis, praesertim P. Ladislao *Bombiker*, per octo annos alumnus fuit. A. 1799 in academiam Monasteriensem se contulit, ubi in physica cl. *Balzer*, in chemicis cl. *Bodde*, in chirurgia et anatome cl. *Lüders*, in therapia gen. et spec. cl. *Druffel*, habuit praeceptores. A. 1802 ad academiam Würceburgensem accessit, ubi biennium institutionibus doctissimis usus est, utpote ill. C. C. *de Siebold* in operationibus chirurgicis, cel. B. *de Siebold* in clinico chirurgico Iulei, cel. E. *de Siebold* in artes obstetriciae tam theoria quam praxi, b. *Thomann*, dein cel. *de Hoven* in therapia speciali. Ad examen facultatis venit d. 12 Iul. atque doctrina, candore atque humanitate ita se commendavit, ut, ex communi examinerum suffragio, apprime dignus sit existimatus, qui summis in medicina honoribus condecoraretur; quod perpetratum d. 20 Iul.

IV.

Georg. Henr. Christian Schmidt, Westerburgi, dictionis ill. comitum Leiningensium, a. 1781 genitus, patre Christophoro, ibidem chirurgo, matre Margaretha Iuliana e gente *Gerhardina*. Disciplinis, quibus puerilis aetas erudiri solet, rite imbutus, cum annum undevicesimum ageret, academiae nostrae nomen dedit, fasces tunc tenente ill. *Schaumann*. A. perill. *Müller* botanicam et materiam medicam didicit, b. *Posewitz* in demonstrationibus anatomicis auditorem strenuum se praebuit, exc. *Hessent* chirurgiam tradentem audiivit, mihiq. osteologiam, physiologiam, pathologiam, forensem

fem medicinam atque formulas concinnandi methodum exhibentem interfuit. Post sesqui annum in album academiae Marburgensis receptus est, ubi immortalis nominis viri *Stein* atque *Moench*, hic in chemia, ille in arte obstetricia, ipsum erudierunt. Duce ill. *Michaelis* praxin medicam exercuit et operationes chirurgicas fecit, cel. *Conradi* in nosologia ac therapia praeceptorem habuit. Denuo ad nos profectus mineralogiam apud perill. *Müller*, physicam apud exc. *G. G. Schmidt*, therapiam specialem apud me audivit. In examine facultatis solenni d. 7 Sept. 1805 instituto progressus in medicina factos doctrinamque non mediocrem probavit. Doctoris honoribus d. 50 Iul. 1805 insignitus est atque diss. inauguralem observationes aliquot salutarem galvanismi in morbis paralyticis et spasticis usum illustrantes, 2 plag. 8, prelo subiecit.

V.

Carolus Fridericus Henricus Brumhard, Quittelsdorfii in terris Schwarzburgensibus d. 7 Mart. 1771 in lucem editus est, patre usus Ioanne Henrico, eiusdem loci pastore, matre Rudolstadiensi Theodora Elifabetha *Wolle*. Per septem annos gymnasii Rudolstadiensis alumnus fuit, 1790 almam Ienensem petiit, ubi ill. *Gruner* scholis pathologicis, semioticis atque in therapiam gen. habitis interfuit, ill. *Loder* anatomiam, chirurgiam atque medicinam forenses debuit, ill. *Stark* in physiologia, materia medica, arte obstetricia atque therapia speciali eiusque exercitio magistrum habuit, b. *Bruckner* osteologiam docentem audivit. Cum praxin medicam in patria faciendi occasio denegata esset, castra secutus est, ubi partim apud legionem equitum Borussorum de Wolffrath, partim in nosocomiis, scientiae augmenta cepit. Cum ad Rhenum moraretur, chirurgi munus in dynastia Epsteicensi ipsi offerebatur, quod per no-

ven annos, medicinae studio necdum abiecto, feliciter subiit. Fama crevit et crescendo Francofurtum pervenit, ubi tunc viduus alteras taedas exspectabat et nunc, quod dudum in votis erat, doctoris gradum ambire licebat. Ad facultatem d. 29 Aug. accessit et cum studia doctrinamque argumentis idoneis comprobasset, voti compos est factus d. 30 Aug. Theses typis mandavit.

VI.

Christophorus Buch, Werthemii Franconum m. Oct. 1775. prognatus, ubi pater artem pharmaceuticam faciebat. Quem, cum Neustadii in dynastia Breubergensi officinam emerat, secutus est artemque paternam didicit. Postquam artem apud exteros per aliquod tempus exercuerat, pater ipsi tradidit officinam. Sed magis arrisit medicinae studium, ideoque ad nostram academiam venit et perill. *Müller*, b. *Posewitz* atque me varias disciplinas medicas tradentes sedulus adiit. Examen facultatis d. 23 Oct. susceptum cum laude superavit, iusiurandum d. 24 Oct. dedit atque diploma obtinuit.

VII.

Franciscus Christianus Hauch, Offenbacensis. A. 1792 ille in civium academiae Marburgensis numerum receptus studio medico, viam praeuntibus viris post funera immortalibus *Stein*, *Baldinger*, *Moench*, nec non vv. clcl. *Michaelis* atque *Brühl*, operam navavit. Postea apud Würceburgenses aliquod tempus moratus est. Artem obstetriciam prae ceteris colendam sumit, in qua tantos progressus fecit, ut domum reversus eius exercitio non solum maximam laudem sibi paraverit, sed etiam a Seren. Principe Ysenburgensi medici obstetricii nomen ac stipendium consequutus sit. Coram facultate comparuit d. 11 Nov. et in medicina, praesertim obstetricia arte, peritiam non mediocrem manifestavit, ideoque voti compos factus et inter doctores relatus est.

VIII.

Carolus Augustus Bornemann, Ittera in Hassis a. 1783 oriundus, patre Ioanne Iulio, nunc officinae ferrariae prope oppidum Biedenkopf, quam *Ludwigshütte* vocant, praefectus, matre Catharina e gente *Mülleriana*. Postquam gymnasium Corbacense per tres annos frequentaverat, auctumno 1801 Marburgum, artis salutiferae studium

studium amplexurus, venit. Hic, non neglectis disciplinis philosophicis, in therapia gen. b. *Baldinger*, in re obstetricia b. *Stein*, in re herbaria, chemia, pharmacia, materia medica b. *Moench*, in chirurgia et medicina forensi ill. *Michaelis*, in anatome ac physiologia cel. *Brühl*, in nosologia atque semiotice cel. *Conradi*, per duos et dimidium annum docentes audivit. Inde, ut exercitium artis uberiorem sibi compararet, Würceburgum petiit, atque ex institutis, quibus fratres germani celeb. *B.* atque *E. de Siebold*, nec non b. *Thomann*, praeerant, fructus insignes hausit, cl. *Hesselbach* quoque et exp. *Adelmann* docentes adiit. Tum ad nos delatus perill. *Müller* botanicis, exc. *Balser* pathologicis meisque osteologicis lectionibus usus est. Tentamen facultatis et examen rigorosum subiit d. 21 Nov. et ita respondit doctrinamque suam probavit, ut unanimem examinatorum plausum tulerit et honorum summorum dignus sit iudicatus. Quos impetravit d. 22 Nov. Diff. inaug. adhuc in promissis est.

IX.

Franciscus Petrus Weiland, Meinertshaga Marcanus. Natus a. 1770, patre consule et postiarum magistro. Postquam in gymnasio patrio probe eruditus erat, anno aetatis decimo nono Halensem studiorum universitatem petiit et biennium theologiae operam dedit. In patriam reversus synodi theologiae, nec non consistorii in ducatu Montano, examen subiit et per septem fere annos candidati theologiae atque studiorum moderatoris vices gessit. Causa singulari dudus ad studium medicum transiit, quod a. 1797 sq. Marburgi, praceptoribus b. *Baldinger*, *Stein*, *Moench*, nec non vv. clcl. *Michaelis*, *Busch*, *Brühl*, coluit, quo facto in villa Drabenterhöhe prope Homburgum ad Marcam medici partes egit. In examine d. 27 Nov. suscepto ingenium doctrinamque abunde manifestavit et honoribus doctoris d. 28 Nov. mactatus est.

X.

Ludovicus Ernestus Trapp, Friedbergae Wetteravorum d. 22 April. 1781 natus, patre Ambrosio Conrado, pharmacopoeo, matre Maria Margaretha *Langsdorff*, quam mox noverca amantissima e stirpe *Schellenbergiana*, sequebatur. In disciplinis scholasticis avum, rev. *Schellenberg*, ecclesiae Bierstadiensis pastorem, nec non cl. *Roth*,
scholae

scholae Friedbergensis rectorem, magistros habuit. Ad artem pharmaceuticam transiit, in qua cl. *Varnhagen*, Seren. Principis Waldeccensis pharmacopoeus aulicus, ipsum erudit. Qua deposita studium medicinae selegit, quod Ienae tractandum sibi sumsit. Ibi in anatomicis perill. *Loder*, nec non cl. *Fuchs*, in medicina forensi et politia medica perill. *Gruner*, in pathologia ac therapia speciali cl. *Stark jun.*, in philosophia naturae cel. *Schelling*, in chemia cl. *Goettling*, in mineralogia cl. *Lenz*, in physica cl. *Vogt*, in mathesi pura cl. *Krause*, in reliquis vero studii medici partibus cl. *Kilian*, usus est institutionibus. Quo facto ad Würceburgenses transiit, ubi in chirurgiae atque artis obstetriciae exercitio vv. illi ill. *B.* et *E. de Siebold*, in clinica b. *Thomann* atque cel. *v. Hoven*, in anatome iterum cl. *Fuchs*, in fasciarum peritia cl. *Adelmann*, nactus est praeceptores. D. 8 Dec., ipso petente, examen facultatis institutum est, in quo peritiam doctrinamque in variis medicinae partibus monstravit, ita ut laurea doctorali dignus sit existimatus. Dato, quod doctorum est, iureiurando, diploma obtinuit d. 9 Dec.

Examen in chirurgia et arte veterinaria sustinuit
Zacharias Schaeffer, Marienhaga Itteranus, d. 11 Iun.

Ad examen pharmaceuticum venere
Carolus Ludovicus Roeßing, Hombergensis ad Ohmam, d. 21 Mart.
Christophorus Fridericus Sander, Raboltshusa Hassus, d. 2 April.
Carolus Godofredus Ioachim Wiedmer, Ballenstadio Anhaltinus, d. 24 Sept.

Dab. Giessae, sub sigillo facultatis medicae, d. XXXI Dec.
MDCCCV.

